



UNIVERSITÄTS-
BIBLIOTHEK
PADERBORN

Universitätsbibliothek Paderborn

Manuale, sev Institutio Sacerdotvm, Ex Divinis Litteris Et Vetervm Patrvm Disciplina

Torres, Alfonso de

Ingolstadii, 1604

De constantia, & immutabilitate animi Sacerdotalis in sanctis decretis, &
consiliis. §. 2.

[urn:nbn:de:hbz:466:1-48973](https://nbn-resolving.org/urn:nbn:de:hbz:466:1-48973)

De Constantia, & Immutabilitate animi Sacerdotalis in sanctis Decretis, & Consiliis. §. II.

SVMMARIVM.



PRO iustitia, & veritate perseueranter vsque ad mortem agonizandum. 1. 3. 5. 9.

Non eundum in omnem ventum, nec in omnem viam. 2. 4.

Sacerdotalis animus immutabilis esse debet ad instar adamantis, non cere & mollis. 6. 7.

Maxime in tribulationibus. 8.

Quæ bona vita Sacerdotis. 9.

Qui populi dicta multi facit, nil generosum facere poterit. 10.

Nam, qui adulationes, & detractiones non negligit, nec Deo placebit, nec hominibus utilis erit. 11. 12. 13. 14.

Per nimiam humilitatē regendi frangitur auctoritas. 15.

Mutatio consuetudinis, & legum nociua. 16. ex Aristotele. 17. ex Iamblichō. 18.

I PRO iustitia agonizare pro anima tua, & vsque ad mortem certa pro iustitia, & Deus expugnet pro te inimicos tuos. *Eccl. 4. 18.*

Non

Non ventileste in omnem ventum, & non eas 2
in omnem viam. Esto firmus in via Domini, & in
veritate sensus tui. *Eccl. 5.*

Non exhibimus, neque faciemus verbum re- 3
gis, vt polluamus, &c. Moriamur omnes in simpli-
citate nostra: & testes erunt super nos cælum &
terra, quod iniuste perditis nos. 1. *Machab. 2. Vide*
optimum exemplum de Eleazaro, 1. Machab. 6. de se-
ptem fratribus. de tribus pueris, Dan. 3. de Susanna, 13.
de Petro, & Ioanne, Actorum 4.

Non simus paruuli fluctuantes, & circumfera- 4
mur omni vento doctrinæ in nequitia hominum,
&c. *Eph. 4.*

Participes Christi effecti sumus, si tamen ini- 5
tium substantiæ eius vsquæ ad finem firmum reti-
neamus, *Heb. 3.*

Sacerdotalis animus immutabilis.

SACERDOS Dei Euangelium tenens, & Chri- 6
sti præcepta custodiens, occidi potest, vinci non *Mat. 23.*
potest. Suggestis nobis exemplum Zacharias anti-
stes Domini, qui, cum terreri minis, & lapidatione
non posset, in templo occisus est, clamans, identi-
dem dicens: De reliquistis vias Domini, & Domi- 2. *Para.*
nus derelinquet vos. *S. Cypr. l. 1. ep. 3.* 15.

Mens Sacerdotalis debet esse ad instar a-
damantini sigilli, non ceræ mollis,

MENS Sacerdotis non debet esse similis ceræ, 7
a 5 vel

vel alterius cuiusque materiae mollioris, quæ semper characteri signantium cedens, pro eius forma atque imagine figuratur, quamque in se tam diu retinet, donec alio rursus super impresso signaculo reformetur: atque ita fit, vt, numquam in sua qualitate persistens, ad formam eorum, quæ imprimuntur, semper conuertatur, & transeat. Quin potius debet velut quoddam esse adamantinum signatorium, vt, inuiolabilem mens nostra figuram sui semper custodiens characteris, vniuersis quæ incurrerint sibi ad qualitatem sui status signet, atq; transformet; ipsa vero insigniri nullius incurfibus possit. *Cassianus coll. 6. c. 12.*

Sacerdotalis animi immobilitas in tribulationibus.

- 8 SVBLIMIORIS, præstantiorisq; virtutis est, perfectionibus ærumnisque vallatum, manere semper immobilem, & aduersum se sæuientibus cunctis certum de præsidio Dei, atq; intrepidum perdurare, humanisque incurfibus, velut armis inuictæ virtutis accinctum, gloriosissime de impatiencia triumphare; & acquirere quodammodo de infirmitate virtutem, quia virtus in infirmitate perficitur, &c. *Idem Cassian. coll. 24. c. 25.*

Quæ bona vita Sacerdotis.

- 9 BONAM vitam Sacerdotis ego puto, & mala pati, & bona facere, & sic perseuerare vsq; ad mortem, *S. Bernardus sermo. de sanctis Apostolis, Petro & Paulo.*

Qui

Qui populi dicta multifacit nil generosum agere poterit.

Si quis ob populi dicta animo statim deijci cœperit, nã is nihil umquam quod generosum, admirandumque sit, parere poterit. Si quidem mæstitia, itemque curæ, ac sollicitudines perpetuæ, animi vim maxime possunt prosternere, eundemque ad summam imbecillitatem perducere, &c. *S. Chrysof. l. 5. de Sacerdotio.*

Qui adulationes & detractiones nō contemnit nec Deo placebit, nec hominibus utilis erit.

Non carebis infinitis detractoribus, & adulatoribus; hi obliuioni tradendi, illi dissimulandi. Qui ad linguas dolosas attenderit, & non potius intentioni suæ, & menti animum totus intenderit, numquam Deo inseruiet, nec hominibus utilis erit. *S. Bernardus super Cant. serm. 63. Honores & iniuriæ vulgi in promiscuo sunt habendæ: nec his gaudendū nec illis dolendū. S. Bonau. in Phar. l. 2. c. 32. ex Seneca. Idem de inform. nouit. p. 2. c. 10. & 11.*

De eodem.

Qui obseruat dicta hominum, numquam aliquid benefaciet, iuxta illud: Qui obseruat ventum, non seminat: & qui considerat nubes, numquam metet. *S. Thom. super c. 11. Matthæi.*

De eodem.

Superne vocis imperio in utroque humero Sacerdos superhumeralis velamine astringitur, ut contra

tra aduersa, ac prospera virtutum semper orna-
 mento muniatur; quatenus, iuxta vocem Pauli
 2. Cor. 6 per arma iustitiæ à dextris sinistrisque gradiens,
 cum ad sola, quæ anteriora sunt, nititur, in nullo
 delectationis infimæ latere flectatur. Non hinc
 prospera eleuent, non aduersa perturbent, non
 blanda vsque ad voluptatem demulceant, non
 aspera vsque ad desperationem premant; vt, dum
 nullis passionibus intentionem mentis humiliat,
 quanta in vtroque humero superhumeralis pul-
 chritudine tegatur, ostendat. *S. Gregor. Pastoral. p. 4.*
cap. 3.

De eodem.

14 PER bonam, & malam famam à dextris & à si-
 2. Cor. 6 nistris Christi miles graditur; nec laude extollitur,
 nec vituperatione frangitur; non diuitiis tumet,
 non confunditur paupertate; & læta contemnit,
 & tristia. *S. Hieron. in prologo super Hester. S. Bonauen.*
in Phar. l. 2. c. 32. Vide sup. c. 1. §. 2. de intentionis purtate,
Qui aliorum, n. 14. & 19. & inf. c. 8. §. 6. de tempo-
ralium contemptu, d. c. eodem, n. 25.

Dum nimia seruator humilitas, regendi
 frangitur auctoritas.

15 QUANDO necessitas disciplinæ minoribus co-
 ercedentis dicere vos verba dura compellit, si etiã
 ipsi vos modum excessisse sentitis, non à vobis ex-
 igitur, vt ab eis veniam postuletis, ne apud eos,
 quos oportet esse subiectos, dum nimia seruator
 humi-

humilitas, regendi frangatur auctoritas. sed tamen petenda est venia ab omnium Domino, qui nouit etiam; eos, quos plus iusto forte corripitis, quanta beneuolentia diligatis. *S. August. dist. 86. c. eod.*

Mutatio consuetudinis, & legum, noua.

IPSA mutatio consuetudinis, etiã quæ adiuuat ¹⁶ utilitate, nouitate perturbat. *S. August. ep. 118.* Habet ipsa legis mutatio, quantum in se est, detrimentum quoddam communis salutis, quia ad obseruantiam legum plurimum valet consuetudo, in tantum, quod ea, quæ contra communem consuetudinem fiunt, etiam si sint leuiores de se, grauiora videntur. Vnde, quando mutatur lex, diminuitur vis constrictiua legis, in quantum tollitur consuetudo; & ideo numquam debet mutari lex humana, nisi ex aliqua parte tantum recompensetur communi salutis, quantum ex ista parte derogatur, &c. *S. Tho. 12. q. 97. ar. 2. S. Chrysostomus hom. 7. in ep. I. ad Corinth. ff. de constitutionibus Principum. l. in rebus.*

De eodem.

CVM utilitatis quidem accessio parua fit, ¹⁷ assuescere vero faciliter leges mutare improbandum; constat, errata quædam esse toleranda & legum latorum, & magistratuum. Non enim tantum proderit, qui corrigere perget, quantum nocebit ^{assue-}

assuefactio superioribus non parendi, &c. Quare
faciliter mutare leges ex præsentibus in alias no-
uas, infirmam facere est vim legis. *Arist. Politico-
rum l. 2. c. 6.*

Decodem.

18 QVEMADMODVM veritatem assecuti sunt pro-
mi, qui leges nobis de religionis sanctimonia tra-
diderunt; sic perseverare in eis debemus: si quid
enim aliud in sacris legibus ritibusque Deo pla-
cet, firmitas ipsa maxime placet, & præcipue con-
gruit. *Et post pauca:* Ea, quæ multis sæculis, & ope-
roso labore in sacris comprobata sunt, nefas est, et
nonnullis repente incidentibus temere ju-
dicando mutare. *Iamblichus de mysteriis*

*Egyptiorum. Vide sup. c. 3. §. 2.
de gravitate, & seueri-
tate.*

